

Imbabura - Dios Escribichishca - Protection Scriptures

Jeremías 1:18 Ricui, cunan punllallatami, candaca muyundi jatun pircata charij pueblosna, jirru pilarshna, bronce patashna cachun churani. Shinallata Judá llactapi causajcunapaj, jatun mandajcunapaj, caishuj mandajcunapaj, curacunapaj, cai llactapi causajcunapajpash, chashnallata cachunmi churani.

Ezequiel 3:18 Ñucaca, ñucata na manllaj runataca: ‘Huañunapachami cangui’ nijipipash, ñucata na manllaj runa nalita ruranata saquishpa causaita charichun, can na shinlli tacurijpica, nalita rurashcamandami huañunga. Ashtahuangularin paipaj yahuarca, cambaj jahuami canga.

Jeremías 6:27 Candaca, ñuca agllashcacuna pacajuna pircashcashna cachumbash, torreshna cachumbashmi churarcani. Paicuna imashna cajtaca, canllatami yachangu. Imashna causajtaca, callarishpami ricungui.

Levítico 26:19 Shinallata canguna jariyashpa, jatun tucushpapurinajushcataca llaquichishami. Jahua pachatapash, jirrutashnami rurasha. Cangunapaj alpatapash, broncetashnami rurasha.

Deuteronomio 23:5 Ashtahuangularin canda Mandaj Taita Diosca, Balaa shuti runataca na uyangapaj munarcachu. Ima llaquipash japisthpami ali canman nishcataca, canda Mandaj Taita Diosca, bendiciai tucunamanmi tigrachirca. Canda Mandaj Taita Dios canda juyaimandami, shina rurarca.

Romanos 12:21 Ima nalita yarichinajuj mishachunga, na saquinachu cangui. Ashtahuangularin aliguta rurashpami, chai nalitaca mishana cangui.

Salmos 143:8,10 Can llaquijjtaca, tutamadata villachishpa uyachihuayari. Ñucaca, canda yariashpami causajuni. Ñuca imashna causanata yachachihuayari. Ñuca almataca, canmanmi mingarcani. 10 Cambaj munaita ruranata yachachihuayari. Canmi, ñuca Taita Dios cangui. Cambaj ali Espirituca, aligutalla rurana llactaman pushahuachun.

Salmos 94:12 Mandaj Dioslla, can jarcashpa rimajpi, can mandashcata yachachijpi causaj runaca, ninandami cushijun.

Proverbios 27:12 Ali yuyaita charij runaca, ima llaqui jatinata ricushpaca anchurinmi. Ashtahuangularin nara yachajushca runacunaca, yangata rishpa llaquichi tucunllami.

Filipenses 2:16 Causaita caraj Shimitaca, villanami canguichi. Shina villanajujpimi, Cristo tigramui punllapica, ñucapash na yanga causashpa, na yanga villajushcata ricushpa ninandapacha cushijusha.

Isaías 49:4 Ashtahuangularin ñucaca, cashnami yajurcani: “Yangallatami, ninanda trabajashpa causashcani. Imatapash na japingapajtami, ñuca

ushaitaca tucuchishcani” yajurcanimi. Shina cajpipash imatalla ñuca rurashcacunataca, Mandaj Diosmi ricujuhuashca. Imatalla ñuca rurashcamandaca, ñuca Taita Diosmi carahuanga.

Salmos 76:3 Chaipimi, paita fiñajcunapaj arcota, flechacunata, jarcarina escudota, espadata, ima macanacunacunatapash faquirca. Selah

Hebreos 13:21 Diosllata, pai munashcashna canguna imagutapash tucuita aliguta rurai ushachun yachachijuchun, shinallata Jesucristomanda, pai munashcashna ñucanchi imatapash rurachun, yachachijuchun ninimi. Jesucristotaca, causaita causaicaman ninanda alicachishunchi. Shina cachun.

1 Corintios 16:15 Huauquicuna, panicuna, Estéfanas shuti huauquitaca, paipaj familiacunatapash rijsinguichimi. Paicunaca, Acaya shuti llactapimi Jesusta punda cri callarirca. Shinallata Diospajlla causanajuj crijcunaman, imaguta ruranatapash yariajmi causanajun.

Filipenses 1:27 Cristomanda ali villaita yachajushcashna, aliguta causapanguichi ninimi. Cangunapajman shamushpapash, na shamushpapash, canguna crishpa shujllashnalla tucushp, alipacha catinajun nija uyangapajmi munani. Ali villaita crishpa, tucuilla shujllashnalla tucushp, imagutapash ninanda ruranajun nijtapash, uyangapajmi munani.

1 Corintios 15:58 Shina cajpimi ñuca juyashca huauquicunacuna, panicuna, Apunchi Jesusta alipacha crishpa catina canguichi. Imata rurachun pai mingashcatapash, ashtahanmi rurashpa catina canguichi. Apunchi Jesusmanda imatalla ruranaca, na yanga cajta yachashpami, chashna rurana canguichi.

Colosenses 4:12 Canguna puramanda shamushca Epafras shuti huauquipash, alillachu capanguichi ninmi. Paica, Cristota servij cashpami, cangunamandaca cungaitapash na cungashpa, Diosta ninanda mañariajun. Taita Dios munashcashna shinllitapacha shayarishpa, ima pandatapash na rurashpa causachunmi mañajun.

2 Reyes 19:34 Ñucami, cai pueblotaca ayudashpa quishpichisha. Ñucallata juyarimanda, ñucata servij Davidtapash juyaimandami, chashna rurasha’ ninmi” nichunmi cacharca.

Jeremías 15:20,21 Shina rurajpica, cai gentecunapaj ñaupajpica, jatun bronce patashnami candaca churasha. Canhuan macanajungapaj shayarishpapash, napacha mishai ushangachu. Canda cuidangapaj, mitsangapaca ñucallatami canhuan casha. Mandaj Dios ñucallatami, chashna nini. 21 Ninan shinlli, nalita ruraj runacunapaj maquimandapash quishpichishpa huacaichishallami” nihuarcami.

Salmos 55:18 Ñucata fiñashpa huañuchingapaj ashtacacuna

shamunajujipipash, paimi casilla ali causaihuan quishpichihuanga.

Ezequiel 30:24 Babilonia llactata jatun mandajpaj rigrataca shinllchishpami, ñuca espadata paipaj maquipi churasha. Ashtahuangarin Faraonbaj rigrataca ñucami faquisha. Shina faquippimi, chugrichi tucushpá ña huañugrijunshna aij nishpa, chai mandajpaj ñaupajpi ninanda huacajunga.

Apocalipsis 3:18 Chaimandami candaca, can ninanda chariyangapaj munashpaca, ninapi rupachishca juyailla ñuca orota randihuai nishpa, ali yuyaita cuni. Churajunatapash, yuraj churajunata randihuai ninimi. Chaihuammi cambaj pinganayai, lluchulla cuerpotapash quilparingui. Shinallata ñavi ali ricuchunga, colirio nishca jambitami churaringui.

1 Juan 3:17 Maijan cashpapash ninan charij cashpa, imagupash illaj crija ricuita ricushpaca, paipaj shungupimi ninanda mitsajun. Chashna causajushpaca, ¿imashnata Taita Diospaj juyaitaca charingayari?

Isaías 50:4 Mandaj Jatun Diosmi, shajushca causajcunaman villai ushachun, alipacha yachajushca shimicunata, ñucaman cuhuarcia. Pai yachachishcacunataca alipacha yachajushcacunashna, uyachunmi pacarin pacarin uyana yuyaita carahuanga.

Salmos 18:39 Macanajuchunga, chumbilichinshnami ushaita cuhuarcangu. Ñucata fiñajcunataca, ñuca ñaupajpimi urai cumuchircangu.

2 Samuel 22:40 Ñuca macanajuchunmi, chumbilichinshna ushaita cuhuarcangu. Ñucata fiñajcunataca, ñuca ñaupajpimi urai cumuchishcangu.

Salmos 89:43 Paipaj espadataca, filo illajtami rurashcangu. Jatun macanajuipipash, na ayudashcanguichu.

Ezequiel 13:6 Paicunaca, yangacunatallami ricunajurca. Llullashpami yachanchimi nishpa, cashna ninajurca: Mandaj Diosmi chashna nin ninajurcam. Mandaj Diosca, paicunataca na cacharcachu. Ashtahuangarin paicuna imatalla villashcacunataca, Diosllata pactachijuchunmi shuyanajun.

Levítico 26:37 Cangunaca, pipash na catijpitami, espadahuan huañuchingapaj catijpishna, canguna purallata caishuj chaishuj huactarinajunguichi. Chaimandami cangunata fiñajcunahuanga, napacha macanajui ushanguichi.

1 Corintios 14:8 Shinallata trompetapash, na shinlli huacajpica, ¿pita macanajuiman llujshingapaj alichirinman?

Job 15:24 Llaquicunapash, huacaicunapashmi, paitaca muspachinga. Paita llaquchingapaca, jatun mandaj macanajungapaj alichirishcashnami shinllitapacha shamunga.

1 Crónicas 12:8 Gad aillumandapash taucacunami pacajushpa, Davidpajman rinajurca. Davidca, jichushca pambapi pacajungapaj rurashca pirca huashapimi tiajurca. Chai soldadocunaca, macanajunata alipacha

yachajushca, ninan shinlli soldadocunami carca. Paicunaca lanzatapash, jardcarina jatun escudotapash, uchilla escudotapash apashcami chayagrira. Paicunapaj ñavica, leonbaj ñaviman rijchajcunami carca. Urcucunataca, gacela nishca tarugashna ñapash calpajcunami carca.

- 1 Crónicas 12:33,38 Zabulón aillumandaca, picha chunga huaranga soldadocunami shamunajurca. Paicunaca, tucui tandanajuicunaman, jatun macanajuicunaman shican shican tucui macanajunacunata apashcami shamunajurca. Paicunaca, tucui shungumandami macanajuipi shayarinallacuna shamunajurca. 38 Macanajunata yachaj tucui cai soldadocunami, macanajuipi shayarinallacuna, shungupi ima nalitapash na yarishpa, Hebrón shuti puebloman shamunajurca. Tucui israelcunata jatun mandaj cachun, Davidta churangapajmi shamunajurca. Shinallata tucui caishuj israelcunapash, jatun mandaj cachun Davidta churangapaca, shujlla yuyaimi carca.

Lucas 10:19 Cangunamanmi, culebracunata, alacrangunata sarushpa, cangunata na ricunayachijpaj ushita mishachumbash, ushita cararcani. Chaicunaca, cangunata imata ruraitapash na ushangachu.

- 2 Corintios 7:10 Taita Dios munashcashna llaquirishpaca, nali causajushcata saquishpa quishpiringapajmi ninanda llaquirin. Chaimandaca, na llaquirinajunachu canchi. Ashtahuangarin cai pachamanda llaquica, huañuimanmi apajun.
- 2 Timoteo 2:25,26 Villajupi na cazujcunatapash, ali shunguhuambacha yachachij cachun. Shina yachachijpica, Taita Dios yarichijpi llaquirishpa, na llullashpa villajuj Shimita crishpa, paicunapash aliguta yachajunmambashchari. 26 Shina yachajushpaca, diablo munashcata rurachun charijuj tugllamandaca llujshinmambashchari.

Nehemías 4:15 Ñucanchita fiñajcunaca, paicuna llaquichigrijuita ñucanchi yachashcatami yacharca. Shinallata Taita Diospash paicuna yarinajushcata yangapi churashcatapashmi yacharca. Chaimandami ñucanchica, jatun pircata alichingapaca, imata rurana cashcamanllata tucuicuna tigrarcanchi.

Salmos 73:24 Ali yuyaita can cushcashnallatami pushahuashcangui. Chai jipaca, punchapamba llactapimi chasquihuangui.